

【應迹】（科註第五九二頁第四行）

《佛學大辭典》「應迹」条：（術語）應化垂跡。應於機緣而化現垂跡之身也。

觀音玄義上曰：「上地為真為本，下地為應為跡。」

勝鬘寶窟中本曰：「應迹為論，應感既彰。」

【八德】（科註第五九二頁第六行）

《三藏法數》「八功德水」：「出稱讚淨土經」

八功德水，謂阿彌陀佛極樂淨土池中之水，有八種功德也。

一、澄淨，謂其水澄淨潔淨，是為澄淨功德。

二、清冷，謂其水清澄涼冷，是為清冷功德。

三、甘美，謂其水甘甜嘉美，是為甘美功德。

四、輕軟，謂其水輕浮柔軟，是為輕軟功德。

五、潤澤，謂其水滋潤澤物，是為潤澤功德。

六、安和，謂其水人若飲時，身心即得安隱調和，是為安和

功德。

七、除患，謂其水人若飲時，能除飢渴等患，是為除患功德。

八、增益，謂其水人若飲時，即能長養善根，增益四大，是為增益功德。（四大者，即人身中地、水、火、風也。）

【七珍】（科註第五九二頁第六行）

《佛學大辭典》「七珍萬寶」：（雜名）七珍者，七種可珍重之寶也。與所謂七寶同。萬寶者，指一切之財寶而言。（阿彌陀經所說的七寶是金、銀、琉璃、玻璃、硨磲、赤珠、瑪瑙。）